



POZIV ZA MEĐUNARODNU KONFERENCIJU

„Obrazovanje odraslih u evropskom prostoru obrazovanja: perspektive iz jugoistočne Evrope“

Sarajevo, Bosna i Hercegovina,

24. i 25. 10. 2024.

Univerzitet u Sarajevu – Filozofski fakultet i DVV International – Ured za Bosnu i Hercegovinu

Pozivamo istraživače, stručnjake iz prakse i kreatore obrazovnih politika da učestvuju u Međunarodnoj konferenciji „Obrazovanje odraslih u evropskom prostoru obrazovanja: perspektive iz jugoistočne Evrope“.

Konferencija će biti prilika za izlaganja, kritičku refleksiju i raspravu o postojećim trendovima, kao i anticipaciju pravaca budućeg djelovanja u domenu istraživanja, prakse i politike obrazovanja odraslih.

KONFERENCIJSKI ODBORI

Programski odbor

- Prof. dr. Mirjana Mavrak, predsjednica Programskog odbora, Univerzitet u Sarajevu (Bosna i Hercegovina)
- Doc. dr. Amina Isanović Hadžiomerović, potpredsjednica Programskog odbora, Univerzitet u Sarajevu (Bosna i Hercegovina)
- Prof. dr. Katarina Popović, Univerzitet u Beogradu (Srbija)
- Prof. dr. Regina Egetenmeyer-Neher, Julius-Maximilians-Universität Würzburg (SR Njemačka)
- Prof. dr. Aleksandra Pejatović, Univerzitet u Beogradu (Srbija)
- Prof. dr. Amir Pušina, Univerzitet u Sarajevu (Bosna i Hercegovina)
- Doc. dr. Tihomir Žiljak, Hrvatsko andragoško društvo (Hrvatska)
- Prof. dr. Borut Mikulec, Univerzitet u Ljubljani (Slovenija)
- Prof. dr. Anita Zovko, Sveučilište u Rijeci (Hrvatska)
- Prof. dr. Haris Cerić, Univerzitet u Sarajevu (Bosna i Hercegovina)



- Prof. dr. Kornelija Mrnjauš, Sveučilište u Rijeci (Hrvatska)
- Prof. dr. Lisa Breidtschwerdt, Julius-Maximilians-Universität Würzburg (SR Njemačka)
- Prof. dr. Elena Rizova, Univerzitet „Sv. Kiril i Metodije“ u Skoplju (Sjeverna Makedonija)
- Prof. dr. Dženeta Camović, Univerzitet u Sarajevu (Bosna i Hercegovina)
- Doc. dr. Edina Nikšić Rebihić, Univerzitet u Sarajevu (Bosna i Hercegovina)
- Prof. dr. Nives Ličen, Univerzitet u Ljubljani (Slovenija)

Organizacijski odbor

- Doc. dr. Amina Isanović Hadžiomerović, predsjednica, Univerzitet u Sarajevu
- Dženita Džano, M.A., direktorica DVV Internationala – Ured za Bosnu i Hercegovinu
- Dr. Amina Čeho Osmanović, Univerzitet u Sarajevu
- Dr. Amina Smajović, Univerzitet u Sarajevu
- Belma Alić Ramić, M.A., Univerzitet u Sarajevu
- Sabina Šošić, M.A. DVV International – Ured za Bosnu i Hercegovinu
- Emin Alić, M.A., DVV International – Ured za Bosnu i Hercegovinu

CILJ KONFERENCIJE

Konferencija ima namjeru otvoriti prostor za sagledavanje uloge obrazovanja odraslih u kreiranju *evropskog prostora obrazovanja* (EEA), napose onog koje se dešava u zemljama jugoistočne Evrope, od kojih su neke članice Evropske unije, dok su druge u različitim statusima pristupanja.

Obrazovanje odraslih i cjeloživotno učenje ugrađeni su u nekoliko posljednjih dokumenata i inicijativa Evropske unije usmjerenih izgradnji otpornijih, održivijih i uključivijih sistema obrazovanja širom Evrope. Oni su dijelom vizije *evropskog prostora obrazovanja* naslonjenog na *Evropski stub socijalnih prava* u čijem temelju su obrazovanje, izobrazba i cjeloživotno učenje. *Evropska godina vještina* počiva na uvjerenju kako je odgovarajućim prilikama za učenje i obrazovanje tokom cijelog života moguće odgovoriti na nedostatak vještina potrebnih za razvoj savremenih tehnologija, naročito za provedbu digitalne i zelene transformacije. *Nova Evropska agenda vještina* usmjerena je povećanju učešća različitih grupa odraslih u učenju, s posebnim fokusom na nezposlene ili osobe bez potrebnog nivoa stručnih ili digitalnih vještina.

Obrazovanje odraslih je izrazito aktuelna tema međunarodnih skupova najvišeg ranga (npr. CONFINTEA u organizaciji UNESCO-a), te se pojavljuje kao tema unutar UN-ovih Ciljeva održivog razvoja (SDG), u sastavu Cilja 4. Posljednji *Globalni izvještaj o učenju i obrazovanju odraslih (GRALE 5)* pokazao je potrebu za usklađivanjem obrazovanja odraslih s društveno-ekonomskim i tehnološkim razvojem, te pomnije predviđanje nadolazećih potreba različitih grupa odraslih osoba. Ove teme dobivaju poseban značaj u kontekstu demografskih promjena, digitalne transformacije, širenja umjetne inteligencije, klimatskih promjena i *Evropskog zelenog plana*. Bez

ozbiljnog bavljenja spomenutim temama, koja uključuje saradnju istraživača, donosilaca političkih odluka i djelatnika u polju prakse njihovom značaju se ne može adekvatno odgovoriti.

Nova Evropska agenda za učenje odraslih za period 2021-2030 skreće pažnju na potrebu za dubinskim analizama i istraživanjima na međunarodnom, evropskom i državnom nivou uz korištenje različitih metodoloških pristupa i uključenje različitih grupa odraslih osoba. Agenda, također, poziva na unapređenje znanja o učenju i obrazovanju odraslih koje je temeljeno na relevantnim istraživanjima. Na lokalnom nivou posmatrano, *Strateška platforma razvoja obrazovanja odraslih u Bosni i Hercegovini u kontekstu cjeloživotnog učenja (2014-2020)* prestala je važiti, te bi se u skorije vrijeme trebalo pristupiti pripremi novog dokumenta. Taj proces zahtijeva pomnu analizu i jasno artikulirane prioritete na temelju rezultata empirijskih istraživanja.

Postavlja se pitanje kako države jugoistočne Evrope, koje pripadaju istoj intelektualnoj i akademskoj tradiciji andragogije, te dijele dio zajedničke prošlosti, ali se značajno razlikuju u tretiranju savremenih pitanja obrazovanja odraslih, djeluju ka ostvarivanju ciljeva evropskog obrazovnog prostora u domenu obrazovanja odraslih i cjeloživotnog učenja. U tom kontekstu, potrebno je sagledati nekoliko širih tema, polazeći od statusa andragogije kao znanstvene discipline, istraživanja i studijskih programa, do zakona i praktičnih rješenja kreiranih od strane organizatora obrazovanja odraslih. Potrebe usklađivanja domaćeg zakonodavstva s tokovima u evropskom i globalnom kontekstu dodatno naglašavaju značaj organiziranja ovakve međunarodne konferencije.

Konferencija će biti prilika za susretanje između akademske zajednice i istraživača, te praktičara i donosilaca političkih odluka. Time se nastoji dati doprinos jačanju prakse i politike utemeljene na naučnim istraživanjima.

Konferencija je podijeljena u četiri sesije:

- I. Studijski programi andragogije i obrazovanje andragoških stručnjaka
- II. Obrazovanje odraslih u vremenu višestrukih kriza
- III. Zakonski okviri i modeli finansiranja obrazovanja odraslih
- IV. Iskustva iz prakse obrazovanja odraslih

UPUTE ZA PRIJAVU UČEŠĆA

Učešće u Konferenciji moguće je ostvariti u svojstvu izlagača ili posjetioca. Izlaganje može biti u formi znanstvenog i stručnog rada, te primjera iz prakse.

- Prijava učešća u svojstvu posjetioca i izlagača obavlja se putem prijavnog obrasca dostupnog na linku: <https://forms.gle/sNtqrQheoZ9Q7Wb76>
- Prijave za posjetioce primaju se do 05. 10. 2024.



- Učesnici koji se prijavljuju u svojstvu izlagača, potrebno je da u prijavnim obrascu pošalju sažetak izlaganja s prijevodom na engleski jezik **najkasnije do 05. 09. 2024.** god. Obim sažetka: do 300 riječi i 5 ključnih riječi.

Sažeci podliježu dvostruko anonimnoj recenziji, a nakon prihvatanja, bit će objavljeni u Knjizi sažetaka.

Recenzirana izlaganja sa Konferencije bit će objavljena u časopisu *Obrazovanje odraslih*, a rok za slanje cjelovitih radova je 01. 12. 2024. Upute za pripremu članka dostupne su putem linka: <https://ccu.bkc.ba/uputstvo-za-autore-priloga/>

Radove je potrebno slati putem OJS platforme <https://ojs.bkc.ba/index.php/journal> ili na adresu: casopis@bkc.ba

Dodatne upute dostupne su prema upitu na e-mail adresu: amina.isanovic@ff.unsa.ba

VAŽNI DATUMI I KONTAKTI

AKTIVNOST	DATUM
Rok za prijavu sažetaka	05. 09. 2024.
Rezultati recenzije sažetka	15. 09. 2024.
Rok za prijavu učešća u svojstvu posjetioca/posjetiteljice (bez izlaganja)	05. 10. 2024.
Održavanje Konferencije	24. i 25. 10. 2024.
Rok za predaju cjelovitih radova	01.12. 2024.
Rezultati recenzije članaka	15. 01. 2025.

Važni kontakti:

Prof. dr. Mirjana Mavrak, e-mail: mmavrak@yahoo.com

Doc. dr. Amina Isanović Hadžiomerović, e-mail: amina.isanovic@ff.unsa.ba

Dženita Džano, M.A., e-mail: dzano@dvv-international.ba

Radujemo se Vašem dolasku!

Sufinansirano kroz
Program za nauku 2024



Bundesministerium für
wirtschaftliche Zusammenarbeit
und Entwicklung

